

রেজিস্টার্ড নং ডি এ-১ “জাতির পিতা বঙ্গবন্ধু শেখ মুজিবুর রহমানের
জন্মশতবার্ষিকী উদ্‌যাপন সফল হোক”

বাংলাদেশ



গেজেট



অতিরিক্ত সংখ্যা
কর্তৃপক্ষ কর্তৃক প্রকাশিত

মঙ্গলবার, ডিসেম্বর ১৪, ২০২১

গণপ্রজাতন্ত্রী বাংলাদেশ সরকার
শ্রম ও কর্মসংস্থান মন্ত্রণালয়
চেয়ারম্যানের কার্যালয়
নিম্নতম মজুরী বোর্ড
বিজ্ঞপ্তি

তারিখ: ২১ অগ্রহায়ণ, ১৪২৮ বঙ্গাব্দ/০৬ ডিসেম্বর, ২০২১ খ্রিষ্টাব্দ

নং ৪০.০৪.০০০০.০০২.৩৬.০০৯.২০.২২৪—বাংলাদেশ শ্রম আইন, ২০০৬ (২০০৬ সনের ৪২ নং আইন) এর ১৩৯ (১) ধারা এবং বাংলাদেশ শ্রম বিধিমালা, ২০১৫ এর ১২৮ (১) বিধি মোতাবেক নিম্নতম মজুরী বোর্ড কর্তৃক “চিংড়ি” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরি হারের খসড়া সুপারিশ, ২০২১ জনসাধারণের/সংশ্লিষ্ট সকলের অবগতির জন্য অত্র বিজ্ঞপ্তি মারফত জানানো যাইতেছে।

অত্র বিজ্ঞপ্তিতে “চিংড়ি” শিল্প সেক্টরে নিযুক্ত সকল শ্রেণির শ্রমিকগণের নিম্নতম মজুরি হারের খসড়া সুপারিশের উপর যদি কাহারও কোনো আপত্তি বা সুপারিশ থাকে তাহা হইলে এই গেজেট বিজ্ঞপ্তি প্রকাশের ১৪ (চৌদ্দ) দিনের মধ্যে উক্ত আপত্তি বা সুপারিশ উপাত্তসহ লিখিতভাবে চেয়ারম্যান, নিম্নতম মজুরী বোর্ড, ২২/১ তোপখানা রোড, বাশিকপ ভবন (৬ষ্ঠ তলা), সেগুনবাগিচা, ঢাকা -১০০০ বরাবর পাঠাইতে হইবে। উক্ত সময়সীমার মধ্যে প্রদত্ত আপত্তি বা সুপারিশ বিবেচনার পর বোর্ড সরকারের নিকট সুপারিশ পেশ করিবেন।

সুলতান মাহমুদ
চেয়ারম্যান (সিনিয়র জেলা জজ)
নিম্নতম মজুরী বোর্ড, ঢাকা।

(১৯০৪১)

মূল্য : টাকা ১২.০০

**“চিংড়ি” শিল্প
খসড়া সুপারিশ-২০২১**

গণপ্রজাতন্ত্রী বাংলাদেশ সরকারের শ্রম ও কর্মসংস্থান মন্ত্রণালয় কর্তৃক ১৫/০২/২০২১ তারিখে বাংলাদেশ গেজেটের অতিরিক্ত সংখ্যায় প্রকাশিত প্রজ্ঞাপন মূলে (এস. আর. ও নম্বর ৪১-আইন/২০২১ তারিখ: ১১-০২-২০২১) নিম্নতম মজুরী বোর্ডে “চিংড়ি” শিল্প সেক্টরের প্রতিনিধিত্ব করিবার জন্য মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য নিয়োগ করা হয়। অতঃপর শ্রম ও কর্মসংস্থান মন্ত্রণালয় এর স্মারক নম্বর ৪০.০০.০০০০.০১৬.৩২.০৫৭.১৭.২৮ তারিখ: ২৪-০২-২০২১ খ্রিস্টাব্দ মূলে আইন ও বিধি মোতাবেক “চিংড়ি” শিল্প সেক্টরে নিযুক্ত শ্রমিকগণের নিম্নতম মজুরি নির্ধারণের কার্যক্রম গ্রহণের জন্য নিম্নতম মজুরী বোর্ডের চেয়ারম্যানকে অনুরোধ জানানো হয়।

অতঃপর নিম্নতম মজুরী বোর্ড “চিংড়ি” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হারের সুপারিশ প্রণয়নের উদ্দেশ্যে নিম্নতম মজুরী বোর্ডের একাধিক সভা অনুষ্ঠিত হয়। এছাড়া বোর্ডের চেয়ারম্যান ও সদস্যগণ যশোর, বাগেরহাট ও খুলনা জেলায় অবস্থিত যথাক্রমে এম ইউ সী ফুডস লিমিটেড, আলফা এক্সেসরিজ এগ্রো এক্সপোর্টার্স লিমিটেড ও ফ্রেশ ফুডস লিমিটেড এ উপস্থিত হইয়া বিভিন্ন কার্যক্রম পর্যবেক্ষণ ও সংশ্লিষ্ট মালিক ও শ্রমিক নেতৃবৃন্দের সাথে মতবিনিময় সভা করে তথ্য উপাত্ত সংগ্রহ করেন। বোর্ডের সভায় সংশ্লিষ্ট শিল্পের মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য কর্তৃক দাখিলকৃত মজুরি প্রস্তাবসহ শ্রমিকগণের জীবনযাপন ব্যয়, জীবনযাপনের মান, উৎপাদন খরচ, উৎপাদনশীলতা, উৎপাদিত দ্রব্যের মূল্য, মুদ্রাস্ফীতি, কাজের ধরন, ঝুঁকি ও মান, ব্যবসায়িক সামর্থ, দেশের এবং সংশ্লিষ্ট এলাকার আর্থ-সামাজিক অবস্থা এবং অন্যান্য প্রাসঙ্গিক বিষয় পর্যালোচনা করা হয়। সার্বিক অবস্থা বিবেচনাপূর্বক বাংলাদেশ শ্রম আইন, ২০০৬ এর ধারা ১৩৯ মোতাবেক “চিংড়ি” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরি হার নির্ধারণের বিষয়ে নিম্নতম মজুরী বোর্ড সর্বসম্মতিক্রমে গণপ্রজাতন্ত্রী বাংলাদেশ সরকারের নিকট নিম্নলিখিতভাবে খসড়া সুপারিশ পেশ করিল :

- ১। এই সুপারিশে উল্লিখিত নিম্নতম মজুরি হার বাংলাদেশে অবস্থিত সকল এলাকার “চিংড়ি” শিল্প সেক্টরের জন্য প্রযোজ্য হইবে।
- ২। এই সুপারিশে উল্লিখিত পদের অতিরিক্ত কোনো পদ সংশ্লিষ্ট শিল্পে পূর্ব হইতে বিদ্যমান অথবা পরবর্তীতে সংযোজিত হইলে উহা যথাযথ শ্রেণিতে/গ্রেডে অন্তর্ভুক্ত করা যাইবে।
- ৩। উক্ত শিল্প সেক্টরের তপশিলে উল্লিখিত শ্রমিক বর্তমানে যে গ্রেডে কর্মরত আছেন সেই গ্রেডেই তাহাকে স্থলাভিষিক্ত করিয়া এই মজুরি কাঠামোর সহিত সমন্বয়পূর্বক তাহার মজুরি নির্ধারণ করিতে হইবে। কোনো শ্রমিককে নিম্ন গ্রেডভুক্ত করা যাইবে না।

- ৪। এই সুপারিশের প্রেক্ষিতে সরকার কর্তৃক প্রজ্ঞাপন জারির পর হইতে উক্ত শিল্প সেক্টরের মালিকগণ তপশিলে উল্লিখিত পদবিন্যাস অনুযায়ী শ্রমিককে যথাযথ পদে সন্নিবেশিত করিয়া মজুরি রেজিস্টারভুক্তকরত মজুরি স্লিপ প্রদান করিবেন।
- ৫। তপশিল “ক” ও তপশিল “খ” এ উল্লিখিত মজুরি মাসিক নিম্নতম মজুরি হিসাবে গণ্য হইবে এবং উক্ত নিম্নতম মজুরি অপেক্ষা কম মজুরি প্রদান করা যাইবে না। এছাড়া উক্ত নিম্নতম মজুরি অপেক্ষা অধিকহারে মজুরি প্রদত্ত হইয়া থাকিলে তাহা হাস করা যাইবে না।
- ৬। নিয়োগকর্তা বা মালিকপক্ষ ইচ্ছা করিলে স্ব-উদ্যোগে বা এককভাবে বা যৌথ উদ্যোগে সম্পাদিত চুক্তি অনুযায়ী কোনো শ্রমিক অথবা শ্রমিকগণকে অধিক হারে মজুরি প্রদান করিতে পারিবেন।
- ৭। উক্ত শিল্প সেক্টরে কোনো শ্রমিক ঠিকাদারের মাধ্যমে নিয়োজিত হইয়া মজুরিপ্রাপ্ত হইয়া থাকিলে উক্ত শ্রমিকও বাংলাদেশ শ্রম আইন, ২০০৬ এর ধারা ২(৬৫) অনুযায়ী “শ্রমিক” বলিয়া গণ্য হইবেন। উক্ত শিল্প সেক্টরে কোনো শ্রমিকের ঠিকাদারের নিকট প্রাপ্য পাওনাতির ক্ষেত্রে সমস্যা সৃষ্টি হইলে তাহার দায়-দায়িত্ব মালিকপক্ষের উপর বর্তাইবে। ঠিকাদার নিম্নতম মজুরী বোর্ডের সুপারিশের আলোকে সরকার কর্তৃক শ্রমিকের জন্য ঘোষিত নিম্নতম মজুরি অপেক্ষা কোনোক্রমেই কম মজুরি প্রদান করিতে পারিবেন না।
- ৮। শর্ত (৭) এ উল্লিখিত নিয়োগকারী ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান মোতাবেক মালিকের ন্যায় একইরূপ ব্যবস্থা গ্রহণ করিবেন।
- ৯। উক্ত শিল্প সেক্টরের মালিক যদি শ্রমিককে ফুরন ভিত্তিক (Piece rate) মজুরি প্রদান করিয়া থাকেন, তবে তপশিলে উল্লিখিত হারে ও উপরি-উক্ত শর্তাধীনে মজুরির হার এইরূপ হারে সংশোধন করিতে হইবে যাহাতে তাহারা বিভিন্ন শ্রেণিভুক্ত শ্রমিকের জন্য নির্ধারিত নিম্নতম মজুরি অপেক্ষা কম মজুরি প্রাপ্ত না হন।
- ১০। তপশিলে উল্লিখিত নিম্নতম মজুরি ও বিভিন্ন ভাতাদি ছাড়াও শ্রমিক কর্মরত প্রতিষ্ঠানে অন্যান্য যে সকল অধিকার, সুযোগ-সুবিধা ও ভাতা পাইয়া থাকেন তাহা বাংলাদেশ শ্রম আইন, ২০০৬ এর সংশ্লিষ্ট ধারার বিধান মোতাবেক বলবৎ ও অব্যাহত থাকিবে।
- ১১। এই সুপারিশে উল্লিখিত নিম্নতম মজুরি সমন্বয় করিয়া ১ (এক) বৎসর কর্মরত থাকার পর শ্রমিকগণের মূল মজুরির ৫% হারে বাৎসরিক ভিত্তিতে মজুরি বৃদ্ধি পাইবে। পরবর্তী বৎসরে ক্রমবর্ধমান হারে পুনরায় মূল মজুরির ৫% হারে বৃদ্ধি পাইবে।

ব্যাখ্যা: যদি একজন শ্রমিকের মূল মজুরি ৪২০০ (চার হাজার দুইশত) টাকা হয়; তবে এক বৎসর কর্মরত থাকার পর তাহার বাৎসরিক মজুরি বৃদ্ধি পাইয়া মূল মজুরি ৪৪১০ (চার হাজার চারশত দশ) টাকা নির্ধারিত হইবে। পরবর্তী বৎসরে ক্রমবর্ধমান হারে পুনরায় ৫% হারে বৃদ্ধি পাইবে। অর্থাৎ মূল মজুরি ৪৪১০ (চার হাজার চারশত দশ)) টাকার ৫% বৃদ্ধি পাইয়া ৪৬৩০.৫০ (চার হাজার ছয়শত ত্রিশ টাকা পঞ্চাশ পয়সা) টাকা নির্ধারিত হইবে।

- ১২। উক্ত শিল্প সেক্টরে নিযুক্ত শ্রমিক বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট ধারা ও বিধি অনুযায়ী ভাতাদি এবং অন্যান্য সুবিধাদি প্রাপ্য হইবেন।
- ১৩। এই সুপারিশের কোনো অংশ প্রচলিত বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সহিত সাংঘর্ষিক হইলে সেই অংশ বাতিল বলিয়া গণ্য হইবে।

স্বাক্ষরিত

(সুলতান মাহমুদ)

চেয়ারম্যান (সিনিয়র জেলা জজ)

নিম্নতম মজুরী বোর্ড, ঢাকা।

স্বাক্ষরিত

(অধ্যাপক ড. মোঃ কামাল উদ্দীন)

নিরপেক্ষ সদস্য

স্বাক্ষরিত

(কাজী সাইফুদ্দীন আহমদ)

মালিকগণের প্রতিনিধিত্বকারী সদস্য

স্বাক্ষরিত

(সুলতান আহম্মদ)

শ্রমিকগণের প্রতিনিধিত্বকারী সদস্য

স্বাক্ষরিত

(খন্দকার আইনুল ইসলাম)

সংশ্লিষ্ট শিল্পের মালিকগণের প্রতিনিধিত্বকারী সদস্য

স্বাক্ষরিত

(সৈয়দ আব্দুর রশিদ)

সংশ্লিষ্ট শিল্পে নিযুক্ত শ্রমিকগণের প্রতিনিধিত্বকারী সদস্য

তপশিল “ক”

শ্রমিকগণের নিম্নতম মজুরি হার

ক্রমিক নম্বর	শ্রমিক পদবিন্যাস ও শ্রেণি বিভাগ	মাসিক মূল মজুরি (টাকা)	বাড়ী ভাড়া ভাতা (টাকা) (মূল মজুরির ৩৫%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
(১)	(২)	(৩)	(৪)	(৫)	(৬)	(৭)
১।	গ্রেড-১ : ১। ফোরম্যান ২। প্রডাকশন ইনচার্জ ৩। কোয়ালিটি কন্ট্রোল ইনচার্জ	৯০৫৬/-	৩১৭০/-	৭৩০/-	৩০০/-	১৩২৫৬/-
২।	গ্রেড-২ : ১। শিফট ইনচার্জ ২। সহকারী ফোরম্যান ৩। সিনিয়র প্রডাকশন সুপারভাইজার ৪। জেনারেল স্টোর ইনচার্জ ৫। রিসিভ ইনচার্জ ৬। হিমাগার ইনচার্জ	৭১৭১/-	২৫১০/-	৭৩০/-	৩০০/-	১০৭১১/-
৩।	গ্রেড-৩ : ১। গ্রেডার ইনচার্জ ২। কিউ সি ইন্সপেক্টর ৩। সিনিয়র অপারেটর ৪। ইলেকট্রিশিয়ান ৫। বয়লার অপারেটর ৬। রিসিভ সুপারভাইজার ৭। প্রোডাকশন সুপারভাইজার ৮। আই কিউ এফ সুপারভাইজার ৯। হিমাগার সুপারভাইজার	৬৪৫৬/-	২২৬০/-	৭৩০/-	৩০০/-	৯৭৪৬/-
৪।	গ্রেড-৪ : ১। গ্রেডার (আর) ২। আরসিম্যান ৩। মেশিন অপারেটর	৫৭৪২/-	২০১০/-	৭৩০/-	৩০০/-	৮৭৮২/-

ক্রমিক নম্বর	শ্রমিক পদবিন্যাস ও শ্রেণি বিভাগ	মাসিক মূল মজুরি (টাকা)	বাড়ী ভাড়া ভাতা (টাকা) (মূল মজুরির ৩৫%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
(১)	(২)	(৩)	(৪)	(৫)	(৬)	(৭)
	৪। সহকারী ইলেকট্রিশিয়ান ৫। সহকারী অপারেটর ৬। আই কিউ এফ মেশিন অপারেটর ৭। গ্রেডার (পি) ৮। গ্রেজ চেকার ৯। গ্রেড চেকার ১০। প্যানিং চেকার ১১। সিলিংম্যান					
৫।	গ্রেড-৫ : ১। স্কেলম্যান (আর) ২। ওয়েলডার ৩। প্লাম্বার ৪। সহকারী প্রোডাকশন সুপারভাইজার ৫। স্কেলম্যান (পি) ৬। সিনিয়র প্যানার ৭। হিমাগার শ্রমিক	৫০৩০/-	১৭৬০/-	৭৩০/-	৩০০/-	৭২৮০/-
৬।	গ্রেড-৬ : ১। প্যানার ২। ওয়ার্কার ৩। ওয়াশম্যান ৪। মেশিন হেলপার ৫। সহকারী স্কেলম্যান ৬। সহকারী ওয়েলডার ৭। আইস ক্রাশম্যান ৮। বেল্ট ওয়ার্কার ৯। মেটাল চেকার ১০। প্যাকিং শ্রমিক ১১। পিলিং ওয়ার্কার ১২। ডি-হেডিং ওয়ার্কার ১৩। ক্লিনার	৪২০০/-	১৪৭০/-	৭৩০/-	৩০০/-	৬৭০০/-

ক্রমিক নম্বর	শ্রমিক পদবিন্যাস ও শ্রেণি বিভাগ	মাসিক মূল মজুরি (টাকা)	বাড়ী ভাড়া ভাতা (টাকা) (মূল মজুরির ৩৫%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
(১)	(২)	(৩)	(৪)	(৫)	(৬)	(৭)
৭।	শিক্ষানবিশ :	<p>(ক) শিক্ষানবিশীকাল ৩ (তিন) মাস। তবে শর্ত থাকে যে, একজন শ্রমিকের ক্ষেত্রে শিক্ষানবিশীকাল আরও ৩ (তিন) মাস বৃদ্ধি করা যাইবে যদি কোনো কারণে প্রথম ৩ (তিন) মাস শিক্ষানবিশীকালে তাহার কাজের মান নির্ণয় করা সম্ভব না হয়।</p> <p>(খ) শিক্ষানবিশীকালে শিক্ষানবিশ শ্রমিক মাসিক সর্বসাকুল্যে ৫৩০৭ (পাঁচ হাজার তিনশত সাত) টাকা প্রাপ্ত হইবেন।</p> <p>(গ) শিক্ষানবিশীকাল সন্তোষজনকভাবে সমাপ্ত হইবার পর শিক্ষানবিশ শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।</p>				

তপশিল “ খ ”

কর্মচারীগণের নিম্নতম মজুরি হার

ক্রমিক নম্বর	শ্রমিক পদবিন্যাস ও শ্রেণি বিভাগ	মাসিক মূল মজুরি (টাকা)	বাড়ী ভাড়া ভাতা (টাকা) (মূল মজুরির ৩৫%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
(১)	(২)	(৩)	(৪)	(৫)	(৬)	(৭)
১।	গ্রেড-১ : ১। একাউন্ট্যান্ট ২। অফিস সুপারেনটেনডেন্ট ৩। হেড ক্লার্ক ৪। সিনিয়র কম্পিউটার অপারেটর ৫। পার্চেজার ৬। কমার্শিয়াল কো-অর্ডিনেটর	৯৫৭০/-	৩৩৫০/-	৭৩০/-	৩০০/-	১৩৯৫০/-
২।	গ্রেড-২ : ১। উচ্চমান ক্লার্ক ২। সহকারী হিসাবরক্ষক	৭২৫৬/-	২৫৪০/-	৭৩০/-	৩০০/-	১০৮২৬/-

ক্রমিক নম্বর	শ্রমিক পদবিন্যাস ও শ্রেণি বিভাগ	মাসিক মূল মজুরি (টাকা)	বাড়ী ভাড়া ভাতা (টাকা) (মূল মজুরির ৩৫%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
(১)	(২)	(৩)	(৪)	(৫)	(৬)	(৭)
	৩। ল্যাব টেকনিশিয়ান ৪। কম্পিউটার অপারেটর ৫। টেলিফোন অপারেটর ৬। ক্যাশিয়ার ৭। অভ্যর্থনাকারী					
৩।	গ্রেড-৩ : ১। ড্রাইভার (হেভি/লাইট) ২। অফিস সহকারী ৩। ইমাম ৪। জেনারেল স্টোর সহকারী	৬৪০০/-	২২৪০/-	৭৩০/-	৩০০/-	৯৬৭০/-
৪।	গ্রেড-৪ : ১। শিশু কেয়ারটেকার ২। বাবুর্চি ৩। লন্ড্রিম্যান ৪। বোটম্যান ৫। ট্রাক হেলপার ৬। মালি ৭। সিকিউরিটি গার্ড ৮। পিয়ন ৯। ঝাড়ুদার	৪৮২৮/-	১৬৯০/-	৭৩০/-	৩০০/-	৭৫৪৮/-
৫।	শিক্ষানবিশ :	(ক) শিক্ষানবিশীকালে শিক্ষানবিশ শ্রমিক মাসিক সর্বসাকুল্যে ৫৭৬১ (পাঁচ হাজার সাতশত একষট্টি) টাকা প্রাপ্ত হইবেন। (খ) শিক্ষানবিশীকাল ৬ (ছয়) মাস। (গ) শিক্ষানবিশীকাল সমাপ্ত হইবার পর শিক্ষানবিশ শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।				

মোহাম্মদ ইসমাইল হোসেন, উপপরিচালক (উপসচিব), বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।
মাকসুদা বেগম সিদ্দীকা, উপপরিচালক (উপসচিব), বাংলাদেশ ফরম ও প্রকাশনা অফিস, তেজগাঁও,
ঢাকা কর্তৃক প্রকাশিত। website: www.bgpress.gov.bd.